

III PREMIO A TRABALLOS FIN DE MÁSTER DA CÁTEDRA INSTITUCIONAL JUANA DE VEGA DE FORMACIÓN E INVESTIGACIÓN DA USC - 2024

A Cátedra Institucional Juana de Vega de Formación e Investigación ten como finalidade fomentar a docencia, a investigación e a transferencia de coñecemento e difusión dos coñecementos históricos nos campos da presenza do pensamento ilustrado e liberal na Galicia contemporánea e a historia rural, atendendo á aportación das mulleres no ámbito público e privado.

Entre os seus obxectivos está facilitar a inserción profesional dos estudantes da USC participando, no seu caso, nas actividades realizadas pola Cátedra e procurar que a Cátedra se vincule cada vez máis estreitamente coa formación das promocións de graduados/as, posgraduados/as en Historia e doutorando/as formadas na USC, polo que a Vicerreitoría de Transformación Dixital e Innovación, á vista da proposta da cátedra, convoca o **III Premio a Traballos Fin de Máster da Cátedra Institucional Juana de Vega de Formación e Investigación** nos seguintes termos:

1. DESTINATARIOS/AS

Poderá presentarse a este premio todo o estudiantado das universidades participantes no **Máster Interuniversitario en Historia Contemporánea por la Universidad Autónoma de Barcelona; la Universidad Autónoma de Madrid; la Universidad Complutense de Madrid; la Universidad Internacional Menéndez Pelayo; la Universidad de Cantabria; la Universidad de Santiago de Compostela; la Universidad de Zaragoza; la Universidad del País Vasco/Euskal Herriko Unibertsitatea, Universidad de Granada y la Universitat de València (Estudi General)** que teñan defendido durante o ano 2024 o Traxallo de Fin de Máster (TFM), que implique investigación de base (traxallo con fontes de arquivo), cunha metodoloxía orixinal e que trate como tema de estudo a historia socioeconómica dende unha perspectiva de xénero ou ben estudos de historia agraria, e que tivera acadado a máxima cualificación académica (sobresaínte) por parte das comisións de avaliación de TFM.

É condición inescusable para seren aceptados a consideración polo xurado que o TFM non fose premiado con anterioridade en certames de institucións, fundacións ou cátedras nos que se premie a excelencia académica ou investigadora, agás por ter acadado a consideración de matrícula de honra.

Non poderán ter a condición de beneficiario/a as persoas nas que conorra algunha das circunstancias establecidas na Lei 9/2007, de 13 de xuño, de Subvencións de Galicia.

2. PREMIOS

Outorgaranse **dous** premios en metálico de **2. 000 €(dous mil euros) cada un** que se financiarán con cargo á partida orzamentaria da CÁTEDRA INSTITUCIONAL JUANA DE VEGA DE FORMACIÓN E INVESTIGACIÓN número 5075 4314 22900 para o exercicio 2024, acompañado do correspondente diploma acreditativo.

No caso de que o xurado considere que ningún dos traballos presentados acada un nivel axeitado, poderase declarar deserto o premio.

3. SOLICITUDES

3.1. Prazo de presentación de solicitudes

O prazo de presentación de solicitudes abrirase ao día seguinte da publicación desta convocatoria no taboleiro electrónico da USC e rematará o **11 de outubro de 2024**.

3.2. Presentación de solicitudes

As solicitudes presentaranse a través do rexistro electrónico da USC mediante o procedemento “solicitud xenérica” e dirixiranse á Vicerreitoría de Transformación Dixital e Innovación:

<https://sede.usc.es/sede/publica/persoais/registroEntrada/acceso.htm>

No asunto deberá indicarse “*III Premio a Traballos Fin de Máster da Cátedra Institucional Juana de Vega de Formación e Investigación*”, e acompañarase a solicitude dos seguintes documentos:

- Un exemplar do TFM en formato PDF. No caso de que o tamaño supere a capacidade permitida, deberá indicar un enlace ao repositorio que permita a súa descarga.
- Copia do DNI ou pasaporte (agás estudantes da USC)
- Certificación académica oficial coa cualificación do TFM (agás estudantes da USC)
- Un resumo do traballo dun máximo de 1.500 palabras en galego, castelán ou inglés no caso de que o traballo non estea en ningún deses idiomas
- ANEXO I (inclúe a autorización expresa de someter os traballos a programas antiplaxio (agás defensa do TFM na USC); a declaración responsable de que o TFM non obtivo ningún premio anteriormente; a

declaración responsable de non concorrer con algunha das circunstancias establecidas na Lei 9/2007, de 13 de xuño, de Subvencións de Galicia)

As persoas que non sexan quen de usar o rexistro electrónico poderán presentar a solicitude e documentación de xeito presencial na oficina de asistencia en materia de rexistros do Campus de Santiago de Compostela (Colexio San Xerome, Praza do Obradoiro s/n, 15782, Santiago de Compostela), na oficina de asistencia en materia de rexistros do Campus de Lugo (Biblioteca Intercentros, 27002 Lugo), ou naqueles lugares establecidos no artigo 16 da Lei 39/2015, de 1 de outubro, de procedemento administrativo común das administracións públicas.

Ao remate do prazo de presentación de solicitudes publicarase unha lista provisoria de solicitudes admitidas e excluídas. As persoas excluídas disporán dun prazo de **cinco (5) días hábiles**, contados a partir do día seguinte ao da desta publicación, para poder emendar os defectos que motivaron a exclusión.

4. XURADO DE SELECCIÓN

O xurado do premio estará formado pola directora e co-director/a da Cátedra e, se se estima oportuno, dous asesores designados pola dirección da Cátedra.

O xurado poderá realizar unha análise automatizada de control da vulneración de dereitos da propiedade intelectual, agás dos traballos defendidos na USC. A partir desa análise, se o xurado observa que se vulneraron os citados dereitos desestimaré o traballo presentado sen prexuízo da responsabilidade en que se poida incurrir.

4.1. Criterios de valoración:

- Actualidade e orixinalidade do traballo (20%)
- Achega significativa ao coñecemento da materia estudada (30%)
- Calidade da súa metodoloxía (30%)
- Calidades formais dos textos: calidade da redacción, xeito de presentar e estruturar a información e calidade do aparato gráfico, caso de existir (10%)
- Relevancia e actualidade das referencias bibliográficas (10%)

4.2. Acordo do xurado:

Ditarase resolución provisional co fallo do xurado a través da correspondente resolución, e publicarase no taboleiro electrónico da USC.

As persoas aspirantes aos premios disporán dun prazo de **cinco (5) días hábiles**, contados a partir do día seguinte ao da publicación desta resolución para presentar alegacións.

Transcorrido este prazo ditarase resolución definitiva coa concesión dos premios.

Todos os actos derivados desta convocatoria publicaranse no taboleiro electrónico da USC. A participación nesta convocatoria implica necesariamente a aceptación do que se expón nesta convocatoria.

Contra esta resolución, que esgota a vía administrativa, poderase interpoñer recurso contencioso-administrativo ante o xulgado do contencioso-administrativo de Santiago de Compostela no prazo de dous meses a contar desde o día seguinte á súa publicación, de conformidade cos artigos 46 e 8.2.a) da Lei 29/1998, do 13 de xullo, reguladora da xurisdición contencioso administrativa.

Non obstante, as persoas interesadas poderán interpoñer recurso potestativo de reposición no prazo dun mes ante o órgano que o ditou. Neste caso non se poderá interpoñer o recurso contencioso-administrativo anteriormente indicado en tanto non recaia resolución expresa ou presunta do recurso administrativo de reposición, ao abeiro dos artigos 123 e 124 da lei 39/2015, de 1 de outubro, de procedemento administrativo común das administracións públicas.

Santiago de Compostela, na data de sinatura

Gumersindo Feijoo Costa

Vicerreitor de Transformación Dixital e Innovación

(por delegación de competencias, RR. do 21 de abril de 2022 modificada por RR. do 26 de setembro de 2023)

Documento asinado dixitalmente conforme a Lei 39/2015 de 1 de outubro, do procedemento administrativo común das administracións públicas (BOE nº 236 do 2 de outubro de 2015).

ANEXO I. DECLARACIÓN RESPONSABLE E AUTORIZACIÓN ANTIPLAXIO

III PREMIO A TRABALLOS FIN DE MÁSTER DA CÁTEDRA INSTITUCIONAL JUANA DE VEGA DE FORMACIÓN E INVESTIGACIÓN DA USC – 2024

| | |
|-----------------------|---------|
| Nome e Apelidos: | DNI/NI: |
| Correo electrónico: | Teléf.: |
| Universidade: | |
| Título do traballo: | |
| Titor/a/Director/a: | |
| Cualificación obtida: | |

DECLARACIÓN RESPONSABLE

DECLARO BAIXO A MIÑA RESPONSABILIDADE:

- Que todos os datos reflectidos na solicitude son certos, podendo ser requiridos polo xurado do premio en calquera momento do procedemento para a súa comprobación.
- Que o traballo presentado é orixinal e inédito e non obtivo ningún premio con anterioridade en certames de institucións, fundacións ou cátedras nos que se premie a excelencia académica ou investigadora, agás por ter acadado a consideración de matrícula de honra.
- Que non incorro en ningunha das circunstancias establecidas no artigo 10* da Lei 9/2007, de 13 de xuño, de Subvencións de Galicia, que impidan ter a condición de beneficiario/a.

AUTORIZACIÓN PROGRAMAS ANTIPLAXIO

- Autorizo someter o traballo a programas antiplaxio (agás defensa na USC)

E para que conste e para os efectos oportunos, asino este documento en de de 2024.

*** Lei 9/2007, do 13 de xuño, de subvencións de Galicia:** Artigo 10.-Requisitos para obter a condición de beneficiario ou entidade colaboradora.

1. Poderán obter a condición de beneficiario ou entidade colaboradora as persoas ou entidades que se atopen na situación que fundamenta a concesión da subvención ou nas que concorran as circunstancias previstas nas bases reguladoras e na convocatoria.

2. Non poderán obter a condición de beneficiario ou entidade colaboradora das subvencións reguladas nesta lei as persoas ou entidades nas que concurra algunha das circunstancias seguintes, salvo que pola natureza da subvención se exceptúe pola súa normativa reguladora:

- a) Ser condenadas mediante sentenza firme á pena de perda da posibilidade de obter subvencións ou axudas públicas.
- b) Solicitar a declaración de concurso, ser declarados insolventes en calquera procedemento, acharse declarados en concurso, salvo que neste adquirise a eficacia un convenio, estar suxeitos a intervención xudicial ou ser inhabilitados conforme a Lei concursal, sen que conclúa o período de inhabilitación fixado na sentenza de cualificación do concurso.
- c) Dar lugar, por causa da que fosen declarados culpables, á resolución firme de calquera contrato suscrito coa administración.
- d) Estar incurso a persoa física, os administradores das sociedades mercantís ou aqueles que exerzan a representación legal doutras persoas xurídicas nalgún dos supostos de incompatibilidades que estableza a normativa vixente.
- e) Non acharse ao corrente no cumprimento das obrigas tributarias ou fronte á Seguridade Social ou ter pendente de pagamento algunha outra débeda coa Administración pública da Comunidade Autónoma nos termos que regulamentariamente se determinen.
- f) Ter a residencia fiscal nun país ou territorio cualificado regulamentariamente como paraíso fiscal.
- g) Non acharse ao corrente de pagamento de obrigas por reintegro de subvencións nos termos que regulamentariamente se determine.
- h) Ser sancionado mediante resolución firme coa perda da posibilidade de obter subvencións segundo esta lei ou a Lei xeral tributaria.

Non poderán acceder á condición de beneficiarios as agrupacións previstas no segundo parágrafo do apartado 3 do artigo 8 desta lei cando concurra algunha das prohibicións anteriores en calquera dos seus membros.

3. En ningún caso poderán obter a condición de beneficiario ou entidade colaboradora das subvencións reguladas nesta lei as asociacións incursas nas causas de prohibición previstas nos apartados 5 e 6 do artigo 4 da Lei orgánica 1/2002, do 22 de marzo, reguladora do dereito de asociación.

Tampouco poderán obter a condición de beneficiario ou entidade colaboradora as asociacións respecto das que se suspendeu o procedemento administrativo de inscrición por atoparse indicios racionais de ilicitude penal, en aplicación do disposto no artigo 30.4 da Lei orgánica 1/2002, en tanto non recaia resolución xudicial firme en cuxa virtude poida practicarse a inscrición no correspondente rexistro.

4. As prohibicións contidas nas letras b), d), e), f) e g) do apartado 2 e no apartado 3 deste artigo apreciaranse de forma automática e subsistirán mentres concorran as circunstancias que, en cada caso, as determinen.

5. As prohibicións contidas nas letras a) e h) do apartado 2 deste artigo apreciaranse de forma automática. O alcance da prohibición será o que determine a sentenza ou resolución firme. Na súa falta, o alcance fixarase de acordo co procedemento determinado regulamentariamente, sen que poida exceder de cinco anos no caso de que a prohibición non derive de sentenza firme.

6. A apreciación e o alcance da prohibición contida na letra c) do apartado 2 deste artigo determinarase de acordo co establecido no artigo 21, en relación co artigo 20.c) do texto refundido da Lei de contratos das administracións públicas, aprobado polo Real decreto lexislativo 2/2000, do 16 de xuño.

7. A xustificación por parte das persoas ou entidades de non estar incursos nas prohibicións para obter a condición de beneficiario ou entidade colaboradora, sinaladas nos apartados 2 e 3 deste artigo, poderá realizarse mediante testemuño xudicial, certificados telemáticos ou transmisións de datos, de acordo co establecido na normativa correspondente ou mediante certificación administrativa, segundo os casos. O dito documento poderá ser substituído por unha declaración responsable.

Sinatura dixital / Firma digital / Digital signature

Asinante/Firmante/Signer: GUMERSINDO FEIJOO COSTA, VICERREITOR DE TRANSFORMACION DIXITAL E INNOVACION, UNIVERSIDAD DE SANTIAGO DE COMPOSTELA, 03/05/2024 09:27:07.

CSV: B791-A986-41CA-AE39